

A man with short brown hair and a light beard, wearing a light blue polo shirt and a high-visibility yellow safety vest, stands in a warehouse with his arms crossed. He is smiling slightly. The background shows high industrial shelving units filled with cardboard boxes and pallets. In the distance, two other people are visible, one holding a clipboard.

AK WOI 2019
AUF AN ANZICHN
BLICK



WIEN 20.03. BIS 02.04.

DI AK WOI: AFOCH UND WICHTIG

WICHTIG -
NET VAGESSN

Di AK Woi in Wean is von
20. März bis zum 2. Aprü 2019.

Wos geht mi des aun?

Am best'n sama glei per Du. Es is so: Nur a stoake AK kaunn deine Rechte ois Oaweita und Angstöta durchsetzn. Waunst dabei bist, mischt mit. Des is bessa ois nua sudarn! Weu daunn host as söbst in da Haund, wies politsch weida geh'n soi in die nextn fünf Joa. Nämlich bei da Kaumma, die si um deine Rechte in da Hockn kimmat.

Wen wöh i do überhaupt?

180 Leit im obastn Gremium. Des haaßt Voiversaummlung. Des san die Leit, die daunn den Präsedenten oda die Präsedentin wöhn.

Wos warat do für mi zum tuan?

Du wöhst direkt in deina Hockn oda schickst a Kreizal mit da Post. Des aane wi des aundere host in ana Minutn erledigt. Woigeheimnis is eh kloa, kaana schauta dabei iwa die Schuita.

Supatipp: Ziag da die Infos zuar AK Woi im Mitgliederblattl AK FÜR SIE eine.

AK FÜR SIE

Wo kaunn i wöhn?

Du kaunnst in da Hockn wöhn, waunn durtn a Betriebswoisprengl eingerichtet is. Des is in fost oin mittlaren und größeren Fiamen so.

Waunnst am Weitog net in da Hockn sei kaunnst – weust im Urlaub bist oda grad di Hockn wechselst – kaunnst a Woikortn beantragn. Wie des geht? Do kriegst rechtzeitig an Schrieb vom Woibüro.

In deiner Hockn wird ka Betriebswoisprengl eingricht? Daunn wird da a Woikortn zuagschickt. Die gibst mit da Post auf oder du mochst dei Kreizal in an öffentlichen Woilokal – davon gibts eh gnuu.

Wea deaf iwahaupt wöhn?

Du bist am 3. Dezemba 2018 – des is da Stichtog – unsöbständig bschäftigt oda freie Dienstnehmarin oda freia Dienstnehma? Daunn bist automatisch dabei.

Du bist am 3. Dezemba 2018 – eh scho wissen, des is da Stichtog – Lehrling, gringfügig bschäftigt, kenziert, Ziwi- oder Präsenzdiena oder hocknstaad? Daunn kaunnst di in die Woilistn Eintrog loss'n. Des Woibüro von da Oaweitakaumma schickt da rechtzeitig an Schrieb.

Wie hüft da des AK Woibüro weida?

Den wichtigsten Zund zur Woi kriegst schriftlich ins Postkastl. Des Woibüro benochrichtigt di persönlich:

- Ob du in di Woilistn kummst, wenn'st net eh automatisch dabei bist (Jänna 2019).
- Wie und waunn du a Woikoatn kriegst (Februa 2019).
- Waunn und wo du wöhn kaunnst (März 2019).

Oiso, is eh ois kloa? Waunn net, redst mit dein Betriebsrot oda mödst di bei da AK! Serwas, griäß di!

Impressum

Herausgeber, Verleger und Hersteller:
AK Wien, Wahlbüro, 1040 Wien, Plöblgasse 13
Offenlegung gem. § 25 MedienG:
wien.arbeiterkammer.at/impressum
Zulassungsnummer: AK Wien 02Z34648 M
Titelfoto: © WavebreakMediaMicro - Adobe Stock
Grafik: Andreas Kuffner
Druck: Ferdinand Berger & Söhne GmbH, 3580 Horn

AK WAHL HOTLINE
01/501 570
Mo. - Fr. 7.30 - 17.30
akwahl@akwien.at
wien.arbeiterkammer.at

**NUR A STOAKE AK KAUNN
SI UM DEINE RECHTE IN DA
HOCKN KIMMAN.**

OISO, GEH WÖHN!



wien.arbeiterkammer.at

WIEN 20.03. BIS 02.04.